

## Sakaria

### *Waeuwa uawa*

Buka ema bedewe nitu uduudu God atowe winedia ita do me apanawa oniadewasamodie, ita muka wanamodie euda mampo dewasadia umanawa wade. God Sakaria sonabene peroweta nolawa wanena me gagalowa wapie me apanawa diamopi. Benema ema ipa me apanawa mai me sawa do simbiasampa, dia. Ita do God apana kadiwa dewalala matangelamopi ita dewamopio euntopue me mampentopu.

Sakaria Keriso ando wisepia ita do apana me nibuasapua wasabamoa wade, ando God meba apanawaida inamopi ita Iawe God warerelepio tawo apanawa uduudu me atowentopuo oni-amopi.

## 9

### *Ierusalem apanawa warereu ando wisepi*

<sup>9</sup> Iawe God wadiase, “E bola debama Saion apanawa nuaeuidaitana!

E Ierusalem apanawa nuaeu kawa wana!

Ewane e warerela manlawo iede,  
me dewawa ipa dodomana ita ona nanau-  
sana apanawa.

Me etepa molaisiwa donki osowe waine iede;

Oa, me donki sanaa osowe waine iede.<sup>☆</sup>

<sup>10</sup> Ne ona turakawa pue mampe teiteinala Israel bedewe otaubamopa,

---

☆ **9:9:** Matiu 21.5; Ion 12.15

ita oas osouwo waimoie antoie onantoia  
Ierusalem bedewe waimoia otaubamope  
nambemopa.

Ita ona puraiwawa uduudu kadimopatuwapi.

E warerela wanwan euda obasa uwa daitada  
apanawa uduudu tawo osowe waimoia  
wanamopi.

Me warerewa makawa owa da osowe enepitue  
alepie owa da wadepi,  
ita do esa Eupirates makawa alepie ita tawo  
uduudu wadepituwapi.”

## 12

### *Kadi bedewe euntopua gagalowa*

<sup>10</sup> Iawe God wadiase, “Mo mida Dawid nosi-  
nosiwa ita apana uduudu Ierusalem bedewe  
waimoia ne dewamopo apana nuapareuntompa  
ita do raupari nuapolapolantompa. Mo ne  
ewaneapu ne ipa sa einene boneiena,<sup>☆</sup> mo kako  
debamaia wapu oto sanaa boleidio kewa waia  
rua. Mo nuasiasiau kewa pokawaida wapu oto  
tautuwa boleidio kewa waia rua. <sup>11</sup> Walama  
sawo Ierusalem bedewe nuaparepare kakowa  
debamaia wapu ambi mo Adad-Rimon\* baiwa  
doba nua Megido bedewe ke waiena rua.”

---

☆ **12:10:** Ion 19.37; Gagalo 1.7      \* **12:11:** Ebo Adad-Rimon  
sa ipa aten apanawa isiwa waia god Baal ebowa ita doba nua  
bedewe tewane epatuwialeno apana kewa waiena umanawa  
wade. Kanaan apanawa maurau godiwa. Mo maurau dialeidio  
inseise, mo godiu bolen ita kewa debamaia wai.

## 13

### *Esa naimemie wisemie mitepiaubemie eumopi*

<sup>1</sup> Iawe God Mukamukaua wadiase, “Walama sawo maneu naimemie wisemie Dawid nosinosiwa ita Ierusalem apanawa kadiu ita mirau uduudu mitepiaubemie eumopi.”

**Ina Sanaa Gagalowa**  
**The New Testament in the Kanasi Language of Papua**  
**New Guinea**  
**Nupela Testamen long tokples Kanasi long Niugini**

copyright © 1996 Wycliffe Bible Translators

Language: Kanasi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-20

---

PDF generated using Haiola and XeLaTeX on 11 Nov 2022 from source files dated 9 Oct 2020

b27bd40e-e091-5268-bcbf-8232e1d7501a